

第〇七〇册

方輿彙編

職方典

保定府部

河間府部

真定府部

(卷)

八—三

三—三

三—三

古今圖書集成

中華書局影印

欽定古今圖書集成方輿彙編職方典

第八十一卷目錄

保定府部紀事一



職方典第八十一卷

保定府部紀事一

保定府志黃帝有熊氏幸釜山朝會諸侯三皇紀合符於釜山邑於涿鹿之阿

顓頊高陽氏作都於衛是為帝丘後徙都高陽遂稱高陽氏

周桓王二年衛人以燕師伐鄭鄭人敗燕師於北制

惠王二年燕衛伐周納王子頑

惠王三年莊公二十七年山戎來侵燕齊桓公救燕

北伐山戎還燕君送之出境

九年齊伐燕

十年齊侯伐燕盟於濡水

十五年齊高偃師納北燕伯於陽陽即唐燕別邑

十八年晉荀吳帥師伐鮮虞圍鼓

二十五年晉荀吳略東陽入昔襲鼓滅之

三十一年晉趙鞅帥師伐鮮虞

周景王元年齊高止來奔

敬王二年燕侯如晉請納王

十四年晉士鞅衛孔圉帥師伐鮮虞
二十九年齊莒施伐晉取樂鄆會鮮虞納荀寅於柏人

威烈王十八年魏斯假道於趙伐中山

二十三年魏將樂羊伐中山克之魏斯以李克為中山相

山相

安王二十六年趙伐中山戰於中人

烈王三年燕敗齊師於林孤

三十八年易王元年齊國因燕喪伐燕取十城蘇秦說齊復歸燕十城

顯王八年司馬喜使趙求相中山

三十六年燕趙韓魏齊楚合從以摺秦以蘇秦為從約長并相六國

顯王三十七年秦以齊魏之師伐趙蘇秦去趙適燕從約皆解

四十六年韓燕稱王時諸侯皆稱王
愼親王三年燕擊秦不勝

愼親王五年燕君噲以國讓其相子之

赧王元年齊人伐燕取之釐子之殺故燕君噲

三年燕人立太子平為君

八年趙略中山至房子

九年趙略中山至寧陵

十年趙伐中山合軍曲陽攻取夷陽鴻之塞又取鄆

石邑封龍東垣中山復獻四邑以和

二十年趙主父以燕齊之師滅中山起靈壽北歸大赦酺五日

三十一年燕上將軍樂毅以秦魏韓趙之師伐齊入

臨苗齊君地出走其相淳于之殺下齊七十餘城
燕封毅為昌國君

三十六年燕築長城置上谷郡燕趙客為太守燕君

平卒樂毅奔趙齊田單襲破燕軍盡復齊地趙封樂毅為望諸君

秦昭襄王五十六年燕伐趙趙將廉頗大破栗腹於

鄆

孝文王元年燕伐齊拔聊城

莊襄王三年割葛武陽平舒易龍兌龍門臨樂於趙

始皇三年趙李牧伐燕取武遂方城

十五年太子丹質於秦亡歸趙人來攻拔三十城

二十年燕太子丹使荆軻劫秦王不克秦遂擊破燕進圍薊

二十一年王喜二十九年秦伐燕徙王遼東
二十五年王喜三十三年秦拔遼東擄王喜滅燕仍

以其地為漁陽上谷右北平遼西遼東五郡置守尉
監始皇二十六年秦既并天下分為三十六郡以燕

地為漁陽上谷右北平遼西遼東五郡置郡守尉監
三十二年蒙恬築長城

二世元年趙王武臣使韓廣徇燕地范陽令徐公用

蒯通策以城降趙將韓廣略燕地燕豪傑立以為王

子嬰元年楚徙韓廣為遼東王立燕將臧荼為燕王

漢高帝五年茶反帝自將征之立太尉盧綰為燕王

十二年燕王盧綰謀反遣樊噲以相國將兵討之詔

陳平斬樊噲以周勃代將其軍平傳噲詣長安令勃

代將定燕反縣

昭帝元鳳元年燕城南門災

燕有黃鼠衛其尾舞王宮端門中王往視之鼠舞如故王使吏以酒脯飼鼠舞不休一日一夜死

燕有鳥與鵲圖王宮中池上烏墮池死

燕王宮末柱中豕出園墮都電衛其誦六七枚置殿前

燕王都劄大風雨拔宮中樹七圍以上十六株壞城樓

宣帝元康四年蠡縣嘉穀元稷降於郡國

後漢書耿弇傳耿弇以上谷漁陽兵行定郡縣會大

司馬秀於廣阿秀以其將寇恂吳漢等為將軍進拔邯鄲斬王郎

光武建武元年帝追五幡賊於右北平破之

四年光武幸盧奴遣征虜將軍祭遵率四將軍討張豐於涿州郡斬之

漢建武四年龔賜為上谷太守

九年王霸為上谷太守

十三年詔太守霸將弛刑徒治飛狐道

二十六年南單于遣子入侍奉奏請闕於是雲中五

原朔方北地定襄鴈門上谷代郡人民歸於本土

章帝建初三年罷治石臼河從謁者郭訓之請也

元和元年中山王焉來朝

二年使使者祠唐堯成湯於靈臺

三年帝北巡狩中山王焉樂王黨皆從

章帝元和中蠡縣嘉禾嘉麥生郡國

順帝永建六年滿城靈雨傷禾稼

陽嘉元年深澤縣望江蒲陰狼殺童兒九十七人時李固對策引京房易傳曰君將無道害將及人去之

深山全身厥災狼食人

靈帝光和四年秋五色大鳥見於新城衆鳥隨之時以為鳳凰

獻帝建安四年袁紹攻公孫瓚於易京獲之

十年黑山賊張燕率衆降

魏文帝黃初二年冀州部大蝗民饑

先主章武二年七月滿城大蝗

後主建興十五年九月滿城靈雨水出沒溺殺人漂

失財產魏冀兗徐豫等州併清苑縣大水

魏明帝景初元年公孫淵自立為燕王

魏齊王正始中山王周南為襄邑長有鼠從穴出

語

魏少帝咸熙二年深澤縣言甘露降

晉武帝泰始四年七月冀國大水傷稼壞屋室有死者

十年六月蝗

十六年六月清苑蝗

咸寧五年春三月定興限霜殺桑麥

泰康元年四月東平范陽雨雹

三年七月滿城雨雹傷秋稼

五年七月中山雨雹傷秋稼

六年三月高陽北新城等縣限霜傷桑麥

九年幽州塞北有死牛頭語幽州有大異行地三百餘步

惠帝元康四年二月上谷地震水出殺百餘人

八年戊午雄縣大水

末寧元年春三王討趙王倫六旬之中數十戰死者

十餘萬人自夏及秋幽并等州旱

二年八月常山崩水出渾沱盈溢大木傾拔

太平元年七月蠡縣水

光熙元年范陽國地燃可以爨

懷帝永嘉四年五月大蝗自幽并司冀至於秦雍草

木牛馬毛鬣皆盡慕容皝率騎入高陽焚燒積聚

愍帝建興二年石勒襲王浚於薊過易水劉琨與之

隔河相拒河名拒馬後石勒將攻高陽降者數萬

燕王儁擊趙拔薊城兵至范陽太守李琿為石氏拒

燕衆莫為用乃率入城令長出降儁悉置幽州郡縣

守令定興

愍帝建興四年秋七月大旱司冀等州蠡蝗

元帝永昌二年十二月幽冀并三州大雨

明帝大寧元年幽冀并三州併清苑大雪

成帝咸和五年趙主石勒封石虎為中山王

趙建武四年夏五月清苑大蝗

穆帝永和二年八月冀州大雪人馬多凍死

穆帝永和七年秋八月燕慕容恪取中山

八年夏四月燕慕容恪大破魏師於中山之康臺執

其主閔以歸殺之燕王儁如中山

泰建元十八年夏五月清苑蝗冬十月大熱

孝武帝太元九年燕將軍慕容鮮攻秦常山中山拔

之

燕慕容垂北如新城鄴中饑甚多奔中山幽冀人相

食初關東諸曰幽州饑生當滅若不滅百姓絕歟垂

之本名與不相持經年百姓死幾絕

太元十年燕定都中山遣將軍慕容麟屯信都麟攻

秦博陵守將王龍死之

十一年燕王垂稱帝

十二年燕徙烏桓王餘落於中山北山丁零翟遙襲

中山燕太子寶擊破之

十三年魏主珪遣九原公儀奉使至中山

二十一年燕征東將軍平規以冀州反燕主垂自將

擊之

魏主珪圍中山燕主寶奔會軍慕容詳城守拒魏燕

慕容會作亂不克奔中山伏誅

安帝隆安元年燕慕容詳稱帝於中山

隆安二年魏置行臺於中山以拓跋儀守之燕長樂

王盛稱帝

安帝元興二年燕王熙作龍騰苑方十餘里役徒三

萬人三年於龍騰苑起逍遙宮與符后遊畋北登白

鹿山東踰黃嶺南滄海而還士卒爲虎狼所殺及凍

死者五千餘人

魏太祖天賜五年七月冀州貢霜

安帝義熙六年燕廣川公萬泥上谷公乳陳叛汲郡

公弘張興將步騎二萬討平之

後魏元拓跋珪道武帝南伐高陽太守崔宏東走海

濱

魏神瑞二年乙卯蠡縣薦饑此歲霜旱民多饑死

魏泰帝元年十月范陽郡上言木連理

二年六月中山復白鳳二

拓跋嗣明元帝遣其驍騎將軍延普擊燕將康倂官

斌於濡水斬之

拓跋嗣至濡水燕石城太守李崇川十郡來降燕數

萬人出戰魏昌黎公丘擊破之

拓跋燾太武帝入中山頒賜從官文武各有差高陽

民不從官命討平之徙其餘燼於北地

宋文帝元嘉四年魏主行如中山

魏世祖神鼎元年二月甘露降於范陽郡

三年七月冀州獻白龜

太延四年十一月幽薨二州地震

宋元嘉二十年魏太平眞君四年魏主幸中山次於

恆山之陽詔有司刊石勒銘

元嘉二十三年太平眞君七年發司幽定冀四州十

萬人築畿上塞圍起上谷西至於河廣袤皆千里

魏世祖太平眞君八年正月上谷郡惠化寺醴泉湧

三月冀州好畤害稼冀定相三州暴風

十年三月冀州獲九尾狐以獻

十一年十一月冀州獲九尾狐以獻五月冀州獻三

足鳥

元嘉二十九年魏高宗興安二年魏主如信都遂如

中山觀察民風

武帝大明四年魏和平元年魏主如中山過恆嶽禮

其神而反

孝文帝改拓跋姓爲元延興元年九月高陽民封辨

自號齊王聚黨千餘人州軍討滅之

文帝延興二年四月滿城獻白鵠六月安州民遇水

雹丐租賑卹八月滿城獻嘉禾三本同穗

文帝承明元年上谷郡民獻玉印上有蛟龍文九月

幽州民齊淵家社樹結實既成一朝盡落花葉復生

七日之中蔚如春狀

文帝太和三年清苑大旱蠡縣水

文帝太和四年六月滿城獻四足鳥八月獻嘉禾九

月獻白鶴九月丙辰暴風拔樹

齊建元三年魏太和五年魏主南巡至中山親見高

年問人疾苦賜孝悌力田孤貧不能自存者殺帛各

有差免官人之老者還其親至信都存問如中山復

還中山講武於唐水之陽

魏太和十年清苑春夏大旱牛疫民死

齊廢帝海陵王延興元年魏太和十八年魏主登平

城次於中山之唐湖分遣侍臣巡問疾苦

齊廢帝東昏侯永元二年魏靈武帝景明元年魏定

州刺史彭城王勰乞還中山二月癸巳幽州暴風殺

一百六十一人

二年五月冀州上言長樂郡牛一頭二面二口三目

三耳

三年六月丙申安州貢霜

四年六月幽州獻四足鳥九月丙辰幽州暴風拔樹

發屋

延昌元年二月冀州獻三足鳥三月冀州上言信都

縣木連理

二年八月幽州獻嘉禾三本同穗九月冀州大水

孝明元帝熙平二年九月蠡縣暴風大雨發屋拔樹

大水

神龜元年八月燕州上言上谷郡木連理

正光二年蠡縣大水

孝昌二年夏幽州道縣地蕪七月魏行臺常景敗杜

洛周於范陽尋爲幽州人執之以降於洛周勢愈熾

敬宗孝壯帝子攸永安元年幽州韓樓反樓為榮餘黨北方多被其患大都督侯淵討平之雷鎮范陽節閔帝恭普泰元年幽州行臺劉雲助反令都督侯淵討之淵叱劉延慶俱前過於固城淵畏其衆欲據險以待其變延慶曰不如出營口外詐言西歸助聞之必自寬縱然後潛軍擊之往則成擒矣淵從之出頓城西聲言欲還簡精騎一千夜抵其壘擒雲助斬之

孝靜帝元象元年即魏大統四年也范陽人盧仲禮及從弟景裕起兵應魏東魏討平之景裕儒士長於講論性理清靜無得失之色終日端坐如對賓客即難者或相詆訶而裕自若高歡愛其品釋之使教諸子

孝靜帝元象元年秋蠡縣大水

孝靜帝武定元年七月幽州獲白狐以獻

北齊文宣帝天保八年河北六州蝗

九年滿城蝗

十年幽州大蝗

陳廢帝光大二年齊後主天統四年齊放中山宮人齊幼主恆承光元年范陽王高紹義稱帝於北朔州幽州人盧昌期起兵據范陽迎之紹義引突厥兵來赴周遣東平公神舉討昌期擒之紹義還入突厥隋文帝開皇八年四月幽州人家以白楊木懸竈上積十餘年忽生三條皆長三尺餘甚鮮茂

仁壽二年滿城大水

四年八月高陽柳樹無故枯落既而枝葉復生煬帝大業三年北巡以鴈門太守丘和為博陵太守

四年燕代緣邊諸郡旱時發卒百餘萬築長城帝親巡塞表百姓失業道殣相望七年帝將親擊高麗徵天下兵會涿郡下詔討高麗勅河南淮南江南造戎車五萬乘送高陽供載衣甲幔幕令兵士自挽之復徵天下兵集涿州始募民為饒果博陵郡妖人宋子賢作亂討平之

九年帝幸博陵授境內死罪已下復給一年上謂侍臣曰朕昔從先朝周旋於此甫八歲日月不居倏經三紀追維平昔不可復希言未卒流涕尋改為高陽郡

大業十年發易陽士卒伐高麗多道亡至斬叛軍豐鼓不能止安州幽州大蝗

大業十一年上谷王須拔魏刀兒起兵攻趙郡高陽魏刀兒聚衆十餘萬自號歷山飛寇掠燕趙投達率

涿郡通守郭絢擊敗之

十三年格謙雖伏誅其黨高開道收其衆掠燕地軍勢復振虎賁中郎將羅藝亦起兵涿郡

恭帝侗皇泰元年夏王寶建德取深冀易定等州與高開道各遣使招羅藝藝曰二子皆劇賊唐公乃吾主也遂率漁陽上谷皆奉表降唐唐以為幽州總管

皇泰二年己卯寶建德使高士興拒唐兵於易水士興降之

唐高祖武德二年秦王世民擊易州賊朱金剛破之楊可汗劉武周及金剛皆走死

武德四年高開道叛自稱燕王與突厥劉黑闥相結幽易間咸被其患

貞觀十五年太宗征遼回駐蹕作百樓城息兵於易

州司馬陳天璿合民地室蓄火種蔬以進上惡其詭免其官

太宗貞觀二十一年滿城大水

高宗永徽六年六月秋冀州水害稼

顯慶五年滿城大旱

儀鳳二年夏滿城大旱

三年夏滿城大旱

永隆元年九月滿城大水溺死者甚衆

二年八月滿城大水壞民居十餘萬家

永淳二年夏滿城旱

周武氏垂拱三年七月丁卯冀州雖雖化為雄

中宗神龍元年六月滿城大水

元宗開元三年滿城水七月蝗

十二年七月滿城大旱

十四年秋蠡縣水

天寶三年以安祿山兼范陽節度使

天寶九載五星聚尾

十五載安祿山及陷上谷博陵等九郡李光弼戰史

思明於嘉山大破之北入博陵

肅宗至德二年史思明北走其大將李歸仁及精兵數萬皆潰歸范陽判官耿仁智說思明以所部降帝

大悅以思明為歸義王范陽節度使

至德三年郭子儀等與賊遇於新店大敗之慶緒帥其黨走河北

乾元元年史思明誘安慶緒殺之引兵還范陽朝義將張忠志以趙澤恆易定五州降恆陽節度使張忠

忠以趙恆深定易五州降於河東節度使辛雲京以

張忠志為成德軍節度使統恆趙深定易五州賜姓李名實臣李惟岳將張孝忠以易定二州降以張孝忠為易定滄州節度使

代宗廣德元年癸卯春正月收復雄縣夏四月分局幽州節度使

代宗大曆六年辛亥春三月雄縣旱斗米千錢

大曆十年田承嗣圍冀州李寶臣使高陽軍使張孝忠將精騎四千禦之承嗣燒輜重而遁

十二年東鹿地裂數丈沙石隨水流出于平地壞廬舍壓死者數百人

德宗建中元年幽州大雨易水渚茫橫流自山而下轉石折樹木高丈餘苗稼盡蕩冬易水溢

德宗建中四年李晟圍清苑朱滔救之晟退保定州貞元元年春滿城大饑米每斗千錢死者相枕

八年幽州平地水深二丈

十二年六月滿城大水

憲宗元和元年夏幽州大水鎮冀等州蝗幽州坊谷地常有火

穆宗長慶元年朱克融掠易州等地

穆宗長慶三年夏遂積水為池

文宗太和九年八月易定馬飲水因吐一珠以獻

文宗開成三年秋鎮定等州蝗草木葉皆盡

武宗會昌三年定州深澤令家狗生角

僖宗乾符三年六月乙丑雄州地震至七月辛巳止

州城廬舍盡壞地陷水湧傷死甚衆

四年六月庚寅雄州地震

中和三年新安縣吏家捕得雉養之與鷄馴月餘相

與闕死

昭宗光化二年幽州節度使劉仁恭屠貝州去夜有鵠鷄鳥十數隻飛入帳中逐出復來

昭宗天祐三年秋九月劉仁恭募兵戍瓦橋關

唐末深州東鹿縣中有水影長七八尺遙望見人馬往來如在水中及至前則不見

天祐八年梁末帝乾化元年燕王劉守光稱帝

乾化二年壬申春正月晉師及鎮定之兵會於易水

伐幽州晉王李存勖遣周德威東出飛狐口與趙將

王德明義武將程巖會於易水伐燕王劉守光

天祐十八年契丹拔涿州因而南侵中山晉王救之

次年正月至新城奮擊契丹大敗遂北至易州會大

雪彌旬平地數尺契丹人馬死者相屬契丹主還晉

王引兵躡之冬定典大雪彌旬平地深數尺

明宗天成二年丁亥定典有年斗粟十錢

明宗天成三年契丹復遣其酋長楊隱救定州王晏

抃連戰破之追至易水俘溺斬死者不可勝計又令

牙將武從謙邀擊擒楊隱等數百人餘衆散投村落

村人以白挺擊之得脫者纔數十人自是契丹沮氣

廢帝清泰三年冬十一月關南諸州地陷於契丹

南唐李廷珪太原人遂州武信軍節度領本鎮都巡

檢使與元詰拒宋師

晉高祖天福元年以十六州陷契丹

出帝開運二年乙巳春三月晉師敗契丹於白溝契

丹還軍南下晉郡排陣使符彥卿等擊之契丹敗走

開運三年契丹寇易州刺史郭璘固守不下契丹主

遣人誘衆以城降璘死之定典大饑

漢隱帝乾祐元年以孫方簡為義武節度使

周太祖廣順二年清苑大水流民入塞者四十萬口

詔所在賑給存處之中國民被掠得歸者十五六萬

世宗顯德六年己未夏四月世宗自將伐契丹五月

收復置雄州以陳思讓戍之

宋太祖建隆二年執易定節度使同平章事孫行友

削官勒歸私第

建隆三年滿城大旱

乾德三年罷河北諸州鹽禁

乾德四年正月命關南監軍及刺史領所部兵大獵

於幽州以耀北部

開寶二年八月幽州蝗

開寶三年十一月契丹入定州田欽祚戰却之

七年六月易州雷震死耀武軍士八人

太宗太平興國二年十月雄州實信院竹叢生芝

太宗太平興國四年帝幸新城觀鐵林軍人射強弩

帝自太原伐契丹六月次於易水刺史劉宇降進攻

幽州戰於高粱河敗績耶律休哥追至涿州帝急乘

驢車走免

太平興國五年契丹寇瓦橋關帝自將擊之契丹軍

退乃還

太平興國六年置平塞靜戎軍為安靜軍易州破契

丹數千衆

太平興國七年曹彬之師大敗於岐溝關收衆夜渡

拒馬河退屯易州知幽州行府事劉保勳死之崔彥

進退契丹於唐興口七年改關南為高陽關

八年雄州易水漲壞民廬舍七月祁州資河漲溢入

城填軍營民舍百餘區雄州易水漲一丈三尺壞民廬舍是年置保州

九年易州獻紅山鵲

雍熙三年五月曹彬等與耶律休哥戰於岐溝宋師敗績南趨易州無復行伍夜渡拒馬河休哥追及宋師方瀕沙河而鬬驚潰死者過半沙河爲之不流契丹主大舉入寇瀛州部署劉廷讓與戰敗績契丹誘執知雄州賀令圖遂掠邢深德州曹彬師次雄州以前通租敵所蹂踐者給復三年軍所過二年餘一年

雍熙四年詔應行營將士戰敗潰散者並釋不問緣邊城堡備禦有勞可紀者所在以聞極暴骸死事者廩給其家錄死事文武官子孫蠲河北

端拱元年契丹復陷涿州士卒潰圍南走隆緒遜擊殺獲殆盡郭守文破契丹於唐河

端拱二年契丹論諸軍趣易州禁部從伐民桑梓遷易州軍民於燕京契丹主幸易州御五花樓撫諭士庶令知易州趙贊收戰士卒骸骨築京觀開奇峰路通易州市又詔錄將校官吏功及死事使臣官吏子孫士卒廩給其家所陷易州等處悉遷其民於燕薹縣早詔發倉粟貸之人五斗雄州唐河水溢害民田殆盡

至道元年乙未夏四月契丹入寇何承矩禦却之

眞宗咸平二年契丹入塞車駕北巡高陽都部署范廷召同先鋒尉昭敏戰瀛州西斬首二萬級逐北至莫州東三十里又斬首萬餘奪其所掠老幼數萬口契丹遁去契丹引還范廷召追敗之契丹入犯高陽

關都部署康保裔選精銳赴之戰二日殺傷甚衆兵盡矢絕援不至死之時車駕駐大名聞之震悼廢朝二日贈侍中契丹隆緒入寇王超拒於唐河以傳潛爲鎮定高陽關行營都部署以葛蘄爲貝真高陽關前軍行營都部署以楊延昭知保州李允則知雄州咸平四年十月詔高陽關三路兵增騎二萬爲前鋒又命將五人各領騎三千陣於先鋒之前命桑贊領萬人爲奇兵荆嗣領萬人以斷西山之路仍列綸爲圖遣示高陽都部署王顯等曰設有未便當極言之契丹入寇都部署王顯大破之戮二萬人獲統軍鐵林等

眞宗咸平五年二月高陽水害民田漂壞廬舍民有壓死者

咸平六年副都部署王繼忠與契丹戰於望都敗績契丹執繼忠以去至六月六日御便殿內出陣圖示輔臣曰今虜勢未愁猶須過防屯兵雖多必擇精銳先拒要害以制之凡鎮定高陽二路兵悉會定州夾唐河爲大陣以騎卒居中步卒環之短兵接戰毋離保伍

景德元年閏九月契丹隆緒大舉入寇契丹謀寇順安軍詔閻承翰發雄霸精兵與荆嗣張延同築壘禦之契丹統軍撻覽引兵掠順安爲諸軍所却出陽城浞遼攻高陽不得還覓具冀天雄兵號二十萬帝幸瀋淵契丹主南下侵定州命統軍使蕭撻摩攻威虜順安軍魏能石普敗其前鋒冬十二月與契丹定和議於秋夏頭

景德三年雄州安肅饑

大中祥符元年契丹統和二十六年定興大有年斗米錢七八文

二年五月雄州蝻蟲食苗保州增屯田務兵三百人耿金斌信都人眞宗詔詢邊事拜雄州刺史俄知安肅軍嘗獻山川險易圖契丹來侵遣兵擊走之

五年保定軍公田大通監並嘉禾生

九年六月蠶縣蝗蝻繼生彌覆郊野食民田殆盡入公私廬舍及霜寒始斃難霸州界河泛溢

乾興六年七月雄霸州大水

仁宗天聖六年秋八月清苑大水河北皆水遣使安撫

仁宗天聖八年保州蠻獍軍殺官吏據城叛命右正言田見度視保州仍聽便宜行事保州平詔保州官吏死亂兵而無親屬者官爲殯斂官兵被害及戰歿並優賜其家民田遭蹂踐者蠲其租置義勇保捷軍

景祐四年六月以御制神武祕略賜高陽關等總管鈐轄每得代更相授之

康定元年庚辰契丹入寇王勳禦之

慶曆二年契丹求開南地遣知制誥富弼報之契丹平

慶曆三年邊臣言契丹饑來市羅詔雄州羅粟二萬石賑之河北路安州雨赤雪

皇祐三年恩冀諸州旱

嘉祐二年春二月己酉雄州地震夏四月丙寅幽州地大震壞城郭壓死者數萬人

七年東鹿麥秀雨岐

神宗熙寧元年秋保定軍大水害稼壞官私廬舍城

壁漂溺民居十月詔頒教閱法差陝西河東使臣等往河北教閱高陽關路三人都總管司無得他使專以新法教習騎軍如朝廷他時遣官檢點武藝不精其教軍隊使臣并本路兵官當次第劾斷若使臣等用心教習藝精都總管司保驗以聞當議旌賞

熙寧二年分遣諸路常平官使事領農田水利司農寺請立法先行之開封視可行頒於天下民種桑柘毋得增賦安肅廣信順安軍保州令民即其地植桑榆或所宜木因可限閼戎馬

五年遼咸雍八年定典大蝗
熙寧六年以本邊地平可用車爲管衛令程昉沿河採車村三千兩下軍器監造戰車四月滿城大蝗

熙寧七年又以軍器雜械詔齋新器付作院爲式先是皇祐中詔弓弩院制獨轅衝陣無敵流星弩尋詔高陽等路置獨轅弩軍至是罷勿造以神臂弓代之

後又下制勝強遠之式於高陽關四路弓能破堅於三百步外邊人號鳳凰弓遼涿水縣賊董龐兒二千餘人西京留守蕭二薛南京統軍都監查刺與戰易州破之三月龐兒黨復聚一薛復擊破之七年定典

春夏旱又蝗七月河朔地大震
九年雄州饑

元豐二年內出教閱格行立步射執弓發矢連手舉足移步及馬射馬上使番槍野戰格關步用標排皆有法凡千餘言高陽關等路義勇保甲皆誦習之

元豐間契丹兵竊關鎮
哲宗元祐八年秋八月蠡縣水

紹聖元年博野縣麥一本五穗

元符元年澤潞野蠶成繭織紵成萬匹
徽宗崇寧元年遼乾統十二年定典蝗三年四年又大蝗

徽宗宣和元年金幹離不寇中山知府詹度禦之宣和三年議復燕山調諸軍至則皆潰

宣和四年壬寅夏四月雄縣白虹貫日五月地震北方用兵雄州地大震元武見於州之正寢有龜如錢蛇若硃漆筍相逐而行五年以王安中知燕山府郭藥師同知府事童貫進兵擊遼敗績退保雄州

金人來歸燕及易涿檀順景薊之地詔童貫蔡攸班師秋九月劉光世敗績劉廷度泊軍雄州冬十月蕭容韓助至雄州童貫復進兵攻遼敗績退師雄州宣和五年金人歸我燕京六州詔童貫蔡攸入燕交割時燕之職官富民金帛子女皆爲金所掠而東惟存空城

宣和七年甲辰春三月童貫入燕犒師郭藥師叛以燕山降金金盡掠燕山所屬州縣

金太宗天會三年郭藥師破順安軍營殺三千人
宋欽宗靖康元年丙午冬命馬忠將所部趨雄州追襲金人簽書樞密院使張叔夜白溝死節詔种師道駐滑州姚古种師中援三鎮金幹離不入寇

靖康二年金陷河北州郡
宋高宗建炎元年女真陷祁保末寧順安軍

金太宗天會五年九月大敗宋兵於莫州雄州降捷
懶克祁州末寧軍保州順安軍皆降

宋高宗紹興三年閏九月詔給高陽路內降教閱圖格一本時唐信順安軍歲修視事詔界河戰棹爲競

渡縱北人遊觀潛寓水戰
九年金熙宗天眷二年春三月辛丑定典大雪是歲大熟

高宗紹興十二年金熙宗皇統二年三月大雪秋燕西東二京河東河北大熟

孝宗隆興元年金世宗大定三年二月定典蝗
二年金世宗大定四年定典蝗

孝宗淳熙三年金世宗大定十六年定典旱蝗
孝宗淳熙四年金世宗大定十七年七月大雨渰沱廬溝水溢河決白溝

九年金大定二十二年金五月慶都蝗蜂生散漫十餘里一夕大風蝗皆不見

光宗紹熙四年金章宗明昌四年金賜有司所舉德行才能之士安州崔秉仁等同進士出身

寧宗慶元五年金章宗承安四年十一月定典陰水冰凡三日

寧宗嘉定元年金章宗太和八年四月雨雹金有童謠云易水流汴水流百年易過又休休兩家都好住前後總成留至貞祐中舉國遷汴

嘉定二年金大安三年三月高陽大旱
寧宗嘉定六年元主出紫荆關敗金師於五迴嶺拔

涿易二州是秋分兵三道命其子木赤察合台窩闊台爲右軍循太行而南取保遂安肅

金衛紹王崇慶二年定典大饑米至八千錢
至寧元年癸酉元兵圍安州知州徒單航守城死之

宣宗貞祐元年癸酉冬十二月蒙古主留怯自將來攻破之

元太祖八年癸酉與其子拖雷爲中軍取雄霸莫安
祁蓋等郡人民殺戮殆盡子女玉帛諸物皆席捲而
去屋廬焚燬城郭丘墟按宋嘉定六年金爲幸慶
二年元太祖爲八年而實
載宣宗立改元貞祐皆一年事也

嘉定十一年金命權中都經略使李禧驢治雄霸以
東權中都西路經略使靖安民治易州以西之地

興定二年元兵入紫荆關金行元帥事張柔戰於俱
牙嶺馬賊被執遂降命還其舊職按宋嘉定十一年
金興定二年

嘉定十二年元將張柔敗武仙降祁陽曲陽中山等
城遂取金雄易安保諸州

理宗寶慶二年元授張柔行軍千戶保州等處都元
帥

三年元張柔自滿城徙治保州

理宗紹定元年金宣宗正大五年春定典大寒二月
雷而雪木之華者皆敗

紹定五年金哀宗天興元年夏五月定典大寒如冬
嘉熙二年蒙古建太極書院於燕京

景定十二年元改順天府爲保定路

欽定古今圖書集成方輿彙編職方典

第八十二卷目錄

保定府部紀事二

保定府部雜錄

保定府部外編

職方典第八十二卷

保定府部紀事二

元世祖至元五年六月中山大雨雹

六年庚辰春三月雄縣大水

七年八月辛卯保定路清苑蠶雨

十六年保定路清苑旱

十九年壬午秋七月雄縣旱

二十年詔停燕南河北山東租賦

二十一年保定諸縣水泛溢冒官民田發軍民築河

堤唐縣野蠶成繭易水溢雄莫新安田廬

二十五年保定路蠶雨害稼詔蠲今歲田租甲辰以

保定新城定興屯田糧賑其戶饑貧者

二十六年夏四月河北十七郡蝗詔發常平倉米一

萬五千石賑保定等屯田戶饑九十日糧秋八月地

大震陷黑沙水湧出壞官署不可勝計壓溺死傷者

數十萬餘人

二十七年己亥保定路饑詔發粟五千二百六十四

石賑之甲申以薦饑免今歲銀俸鈔其在上都大都

保定河間平涼者萬一百八十錠庚辰免保定流民租賦及酒醋課

成宗元貞二年保定清苑蝗

九年甲子保定路清苑蝗

大德六年十一月保定路清苑饑

九年保定路清苑蝗

武宗至大元年滿城蝗生地震辛卯大水

二年八月滿城大蝗

四年七月滿城大水乙酉饑免田租十之二癸巳民

流離上命所在有司給糧兩月

仁宗皇慶二年乙酉保定路清苑饑詔免田租十之

三癸巳保定民流不止命所在有司給糧兩月仍悉

免今年差稅諸被災地并弛山澤之禁獵者勿入其

境六月范陽等縣雨水壞田稼七千六百九十餘頃

六年四月饑

仁宗延祐元年蠡縣饑范陽等縣河溢壞民田四百

九十餘頃

仁宗延祐二年冬十月以郭貫為參知政事

四年五月雄州貢霜

六年夏滿城大雨雹

二十六年夏保定等郡併清苑大雨雹

太宗至治二年夏四月保定等路饑丙辰保定屬清

苑縣蝗五月蠶雨害稼己卯保定等處饑發米三十

九萬五千石賑之辛卯保定蝗

泰定帝元年七月保定郡等縣大雨水五十餘日害

稼

二年閏正月保定郡饑禁釀酒保定路饑雄州歸信

諸縣大雨河溢被災者不可勝計

三年二月三月保定路清苑饑賑米八萬一千五百

石六月保定郡蝗

四年保定路清苑蝗

致和元年四月保定郡併清苑饑

二年庚午滿城大水

文宗天曆二年己巳夏四月雄縣旱蝗民饑

明宗至順元年夏保定等路併清苑蝗七月保定屬

州縣水

二年保定路有虫食桑

三年安州饑

順帝元統二年冬滿城大饑

三年保定路安州草死盈道民掠屑弱以為食

至元元年民間說傳朝廷拘刷童女定興一時嫁娶

殆盡八月地震

四年夏四月定興晝晦雨紅沙冬保定饑

五年保定路草死盈道軍士掠屑弱以為食

六年涿水王鼎宰縣時忽於庖俵有暴風舉臥榻空

中鼎無懼色但覺枕榻俱高乃曰吾中朝端士邪無

干正可徐置之須臾榻復故處風遂止

至元三年慶都邑大饑以河間府鹽課萬錠賑之

六年十二月滿城大水

至正十六年保定等路併清苑水

十八年冬十一月清苑水十二月大饑民攜老幼流

入京師重以饑疫死者枕籍宦者朴不花請市地收

瘞之前後凡二十餘萬人

十九年五月定興大蝗二十五日蠶雨害稼

至正二十年田豐陷保定路遣司農司都事樂元臣招諭田豐至軍中為豐所殺定興大饑

至正二十一年命李羅帖木兒於保定以東河間以南從便屯種六月保定清苑大水

至正二十二年賊新橋張陷安州李羅帖木兒來請援兵擴廓帖木兒復益都田豐等伏誅

二十五年七月保定郡清苑霖雨害稼

二十六年十二月保定清苑饑

二十八年河北路安州四月隕霜殺菽

明太祖洪武元年八月大將軍徐達副將軍常遇春下河北諸郡遂定燕都略保定等路擇守要害

三年河水泛溢安州高陽為甚

七年改安州為安縣

八年夏四月日上有背氣在趙分恆山以北

十四年安縣復陞為州

十七年高陽楊村河決分司解宇三皇廟圯

二十年九月置北平行都指揮使司於大寧此大寧都司之始

下邑駐馬州西水寨約期進攻北平成祖聞之即日還兵援保定八月成祖渡滹沱河留其將孟善守保定

三十五年建文四年守禦都督孟善增修府城是年十一月以平北左布政使郭資保定知府維翰為戶刑部尚書仍掌司府事

末樂元年三月徙北平都司於保定

三年春正月免順天永平保定田租二年

十一年東鹿野蠶成繭

十四年白溝河決差主事丁寬督修

十五年大有年

十九年夏四月遣禮部右侍郎郭敦給事中陶衍巡行畿內保定等府州縣考察官吏安撫軍民

宣德四年秋九月令戶部遣官巡視保定等府州縣督民栽種桑棗

五年立工部山廠於平山以待郎張敏都御史李潯董其事

宣德六年六月大水

七年知州許銓修廟學

英宗正統三年戊午安肅趙京妻產怪

四年大蝗

五年蝗

六年定興大饑河內村民趙祿捐粟佐賑滿城大水

正統十年遣刑部侍郎薛希璉巡撫保定淮安十二

郡

十四年春滿城大水擢給事中孫祥為副都御史與

太監阮克民都指揮韓清守紫荆關冬十月也先八

犯祥力戰不克俱死之伯顏帖木兒破紫荆過易州

人民奔潰邑門戒嚴定興

正統間南邑村楊家井水溢高丈餘流百十步中有

吼聲成化時復溢弘治間又溢

景泰元年夏四月勅右僉都御史陳泰鎮守易州節制紫荆諸關

二年知州王鑄修廟學及州治移茂山衛於易

四年王鑄修州署四年大水

天順元年移置工部山廠於易州城西先是景泰年

間自沙峪口移置滿城縣西至是移今地規制遂備

二年知州史素王廷重建州署八月安肅星隕如雨

成化二年勅都察院右僉都御史閻本巡撫保定等

府

憲宗成化六年庚寅雄縣夏涝秋旱

七年夏六月保定安肅等處大水遣侍郎原傑賑卹

之

八年定巡撫真保定等府都御史提督紫荆倒馬龍

泉等關

十年秋九月佾鍾為副都御史巡撫保定

十二年深澤趙八莊榆幹中枯歷忽生竅出水適有

病者止其下渴飲之愈後病者往禱之飲輒瘥凡禱

盛以器則流去則止如是者逾年而息

十三年丁酉秋七月末鹿文廟產白雀九月安肅桃

李花

十四年夏五月末鹿東北鄉蝦蟇鳴於樹人異之八

月大水灌城邑傾民廬舍保定大有年博野饑奉詔

德州倉給米夏六月安州新安大水知州李惠增建

此為試讀, 需要完整PDF请访问: www.ertongbook.com

州垣及養濟院

十五年李憲奏裁砍柴夫一百四十五名

十七年祁州城南皮王廟傍望張判子者時出惑人

男昏店女感與之交民訴於州守移文於神龜毀之

禍始息蓋土偶之妖也

十八年壬寅夏安肅大雨禾盡傷知州羅綺奏裁

砍柴夫二百五十五名

二十年京畿大旱七月燕南大饑

二十一年深澤雨雹大如杯五

二十二年夏四月清苑大有年夜雨晝晴東鹿西二

星隕爲石羅綺重修廟學改建陰陽學醫學

二十三年秋大水無苗博野饑奉詔賑濟

二十五年五月祁州野蠶成繭東鹿天昏地暗空中

有聲如雷尋有黑氣墮地掘之得黑石二一如碗一

如鷄卵事載輿故遺聞

孝宗弘治二年夏六月清苑大水田盡漂沒

三年博野雷雨白沙龍王廟泥龍飛昇

四年客城諸生張紹先妻劉氏忽見空中一人逐紅

羊自南而北行甚急呼其姑出視已不復見紹先質

於陰陽家季姓者曰當有火災言畢回家季之舍已

火矣邑自臘月至次年二月火災頻見人傳異事曰

空中紅羊知州賈定奏裁棄園稅之半

八年初派撥柴夫八十名於易州

十二年知州戴敏重建州門

十三年春三月戴敏改建文廟學宮

十四年安州夏秋大水

十六年滋水泛漲大木滿河流下博野土人不敢取

十八年完縣壇溪山洞中有龍白日飛出入於馬耳
山洞中禱雨輒應五月新安河渠池沼悉震蕩增高
數尺久之乃定

武宗正德二年深澤民間豕生一子色白無毛一日

頂上出鼻如象冬十一月裁巡撫保定都御史易州

兵備道副使八月復之

二年戊辰夏秋旱辛巳安肅雨水雹

五年辛未六月容城大雨連綿淹傷禾稼九分歲大

饑

六年清苑大水十二月流賊劉六率其黨攻城破之

冬十二月以傅珪爲禮部尚書尋致仕

七年夏清苑出售其形黑小金睛狀若大時擊傷人

夜則民不敢居居鳴鑼鼓禦之至秋方息

八年甲戌容城去冬無雪春復亢旱二麥盡枯本縣

恩蠲小麥一百四十餘石八月博野明倫堂震響三

聲大成殿瓦獸口吐青烟

九年乙亥七月容城雷雨害稼淹沒數百頃本縣恩

蠲秋糧二百餘石

十年丙子春三月容城無雨二麥不熟七月暴雨傷

禾大半本縣恩蠲小麥一百餘石秋糧二百二十餘

石

十二年夏大水陸地通舟冬祁州人相食博野澤雨

河決瘟疫流行尸骸遍野

十三年春清苑大瘟雄縣限爲石祁州大疫完縣

大饑

十四年春蠡縣大疫博野縣治蕭相祠前一椿樹枝

間各長人面眉目宛然

嘉靖元年祁州雨雹如拳大風拔木

二年夏黃風大起飛沙蔽空天日晝昏大傷麥木安

肅秋雨水雷震

三年安州有芝草產於北察院左梁上其莖有九股

紅耀燦州守區曰九芝堂以爲異日文人之兆云

四年春風霾竟日天地晦暝秋新安大水

六年秋七月祁州暴雨唐河水發路根村五女店堤

決一百三十餘丈直衝州城平地水高六尺屋舍倒

塌無數同月定州水發衝壞周家莊堤入村汜濫二

十餘里博野野蟹成繭取以爲絲以右副都御史林

廷楫巡撫保定等府

七年新安黃霧四塞新城饑知縣陳瓊賑之安肅秋

蝗安州河水溢田廬盡傷不減正德丁丑之患改管

紫荊關通判駐易州

八年春正月朔定典大風晝冥博野春蝗二月大雨

蛙鳴裁易州管柴判官

九年完縣下叔村雷擊不孝男婦劉義冉氏二人秋

安肅穀秀雙穗

十年辛卯夏六月雄縣水大饑免田租之半

十一年夏安肅星見春二月雄州大饑秋博野大風

拔木

十二年六月慧星見昂畢射天漢秋博野雷雨石氏

室龍飛八月大雨雹十月星隕如雨

十三年甲午秋安肅大水雷震斃死者七人保定大

雨河水泛溢巡撫鄭坤歷新安見邑無名宦鄉賢誠

爲缺典命典史王純建二祠於啓聖東南

十四年夏清苑蝗出內帑銀賑之秋博野蝗三冬未

衰至春始減兵備副使張惟恕建召公祠

十五年夏清苑蝗民捕蝗入官二千餘石秋大水

十六年夏清苑麥痺秋水移涿州戶部管倉主事駐易州

十七年戊戌地震東鹿牧童望野有人刺舟而行即之不見是年秋大水

十八年己亥安肅蝗夏博野夜雨南開楊氏園樹中起龍七月風雨暴作新安六里村民舍悉傾人畜壓死無算上巡幸承天駕過保定執知府陳綱以行尋釋之以翟鑾毛伯溫為行邊使出帑金五十萬犒塞上將士又駕南巡經定興宿食都御史張鎬第御帳一間封鎬迄明世

十九年秋高陽大水害稼壞民居

二十年秋八月令保定等府建設墩堡

二十一年春滿城旱斗米銀三錢壬寅閏五月安肅大雨水清苑蝗

二十二年夏清苑雷雨傷稼高陽大旱

二十三年冬十一月以易州通州昌平州為三輔各置經略大臣夏完縣雹

二十四年春旱斗米銀三錢夏完縣龜見大雨中自天墮下大經尺是年以右食都御史吳嶽巡撫保定等府

二十九年三月大風拔木黃沙蔽空晝晦如夜諸物皆送入井傷死者甚衆

三十二年春大饑人相食夏大水壞民舍人畜溺死者無算百戶孟吉園中龍起火光燭天夏四月裁易州經略大臣

三十三年春大饑人相食夏大水

三十四年三月有龍見文廟松林中夏雷雨傷禾

三十五年大水完縣普門村數百家漂沒無遺

三十六年裁奇峰五廻官座黃土四巡簡司增河北新城遞運所築紫荊關新城栽塔崖驛井夫馬於上陳驛移上陳驛於城中是年清苑大水

三十七年戊午雄縣大旱

三十八年新安大雨雹屋瓦盡毀

三十九年蝗蝻遍地殘殺民大饑父子相食

四十年春清苑大饑瘟疫夏大水民田盡沒

四十一年清苑蝗

四十二年奉例裁革訓導一員夏六月定典不雨

四十三年裁易州管馬判官

四十五年新安大雨雹屋瓦盡毀

四十八年夏滿城旱蝗蝻生地饑

穆宗隆慶元年夏六月定典大水民大饑

二年夏五月新城星隕二化為石裁儒學訓導一員

冬十一月移易州管關通判駐紫荊關

三年夏大水滹沱河溢東鹿城圯

四年夏清苑旱秋大水

五年六月一畝河泛溢入郡城天水橋圯安州新安雄縣大水沒禾

六年壬申冬雄縣雨水

神宗萬曆四年秋清苑大水

五年秋九月易州慧星見光燭天月餘乃滅

六年七月滿城大風雹傷禾稼

七年重城易州

九年夏四月滿城蠡縣雄縣地震新城地震有聲安州蝗蝻遍野食穀令民捕之收蝗八九百石裁紫荊關河北新城遞運所帶管於上陳驛

十年夏四月雄縣地震夏六月涞水地震安州大瘟疫死者相枕巡撫辛自修巡按敖錕提學朱璉奉旨嚴覈冒濫祀典名宦應祀者二人應黜者一人鄉賢應祀者三人應黜者一人看得知州王思祖經營革創百務維新應祀知州趙希夔古之遺愛今之循良應祀訓導陳隆雖經舉典無跡可述應黜尚書李彥名正色立朝羣僚推重應祀都御史邵錫爵中外清直著聞應祀御史孫慶履常修政遇變死忠應祀

十一年夏四月雄縣地震者三清苑秋旱至十三年六月方雨新城大有年

十三年乙酉夏安肅旱秋雄縣雨雹

十四年春二月黃風蔽天雨汚人衣夏定典旱大疫

丙戌七月容城雨雹大如瓶孟縣東南禾稼盡淹

四年知州馮肅行社倉

十五年慶都柳宿河永豐河二處地極窪下秋水泛漲壞民田禾漂民廬舍民甚苦之邑令張前光特鑿二河是歲水不為災民咸悅之

十六年秋安州大水

十七年秋安州大水

十八年知州陳濂靖鄰邑協修公署置漏澤園禁開礦

十九年滿城蝗蝻生官出倉穀易之冬十月定典天鼓鳴十二月地震知州陳濂重修廟學置學田

二十年壬辰春容城蝗災禾稼夏雹平地盈寸盈尺

大如鷄鴨卵或如拳自北村起至東南縣界止陳濂重修州署召公祠

二十三年五月定典大雨雹

二十四年安州城壕運並帶者三

二十五秋九月安州樹生花容城地震新安河水為溢者月餘

二十六年戊戌夏四月唐縣大雨雹育山之陽大如栗深三尺傷苗及一牛一犢五月大水南北符城河淤之田二麥及穫而盡沒沉民屋窳秋又大雨水岡北村西雹堆如嶺高七八尺長數丈移時乃消安肅有鳥鳴于境內鳥之形似鳥而小不可名識也是年大水甲辰又鳴又水丁未又鳴水益大乃知是鳥為淫潦之兆

二十七年新安大水浸城門壅土為障四境尺地無餘春夏滿城瘟大饑四月潞王發粟賑濟各郡邑饑民

二十九年辛丑夏安肅旱民絕糧秋八月唐縣大雨雹春秋安州大饑發粟賑粥

三十年壬寅春三月唐縣大雨雹葛洪村如拳如卵間如斗屋瓦皆碎禾入泥尺許傷男婦二民無秋夏定典大旱無麥且蝗秋七月地震有聲

三十二年春正月涑水雪片如掌樹枝拱把者俱被壓折夏鄆州雨雹如掌大傷二麥秋新安大水冬大雪連旬平地深數尺冬十二月定典雨冰樹枝多折慶都大荒時府屬俱荒巡撫孫璋請發賑銀一萬二千五百兩買糧賑濟又登通糧二萬石山東移粟一萬八千一百九十八石河南移粟五千九百五十餘

石並動府屬倉糧四萬六千八百餘石煮粥散賑三十四年春夏蝗秋蝻蝻六月東鹿大雨滹沱河溢午夜入城水深數尺官衙民舍浸淹不堪居三十五年夏淫雨兩月餘城垣宇舍坍塌殆盡田禾被溺

三十六年春夏旱至六月戊辰方雨秋大稔三十七年新安蝗清苑大饑安州春夏秋不雨蝗蝻蝻蝻食穀殆盡是歲無禾七月雷擊石塚村不孝民賀金

三十九年夏六月定典大雨河水泛溢井水與地平四十年秋客舟泊定典楊村忽烈風起拔舟去岸百餘步舟碎而人不傷新安楊樹開花艷若桃李是年人大災

四十一年癸丑客城大水與三十五年同四十二年甲寅客城蝗黑小如蟻知縣徐廷松令民捕納易以倉粟一如蔣侯之法蝗不為災

四十三年乙卯春夏大旱民聚聚搶掠七月始雨冬十月易州地震如雷安肅錦衣孫光先獻芝草

四十四年蝗大饑夏四月六日易州天鼓鳴四十五年春定典不雨六月十二日始雨六月七月地凡三震

四十六年春風雪異常行人凍死

四十七年春二月十九日未刻西南風起大木吹折日晦如夜至酉氣變而紅初更乃定

嘉宗天啓元年深澤縣南雷屯村民劉計昌年十八歲娶妻閭氏乳三男官署時見怪多鬼形一若犬狀妖幻倡人知縣張元令觀廟中神像似者悉推仆之

不止後任知縣程可登為政尚安靜妖自止蠡縣大旱保定冬十一月暴風驟雪行人死者甚眾

二年滹沱河大決鄆州東鹿城壕官舍民居悉沒於水

三年完縣地震壓死居民甚多月餘乃止四年春二月新安地震夏定典蟲食苗葉化為白蛾紛飛蔽天閱十餘日鑄一當十錢後開納生員例每名一百三十兩收毀

五年夏四月滿城雨雹大風拔木麥盡傷容城大旱秋雨連綿黍穀皆倒化為黑灰雄縣秋七月田間黑鼠成羣自北而南食禾稼是年大歉

六年慶都大水漂沒民舍煮粥賑之保定夏五月地大震有聲如炮六月地大震逾四十日唐縣民居燬半閏六月朔大水安肅天鼓鳴屋隕入地掘之得如石而黑者安州六月二十八日雨雹城北傷麥井不稼十之七八秋七月保定飛蝗蔽天大瑞魏忠賢矯旨命天下建祠保定府上於城西吳家灣橋建造未成尋廢

莊烈帝崇禎元年大旱命直隸巡撫盡毀魏忠賢生祠保定府建祠未成為十方院

二年正月蠡縣大風捲土麥田盡埋亢旱不雨人心震駭

三年春三月滿城風霾晝晦五月大風雹屋瓦掀飛六月容城穀苗生蟲如蠶穀葉盡傷穗亦半傷

五年蠡縣大風雨拔木六年秋九月蠡縣地震七年秋七月六日夜大雨次日蟲生食苗幾盡

九年夏五月定興容城雨雹大如瓶益人死傷甚衆
六月地震新安田家莊槐樹開鷄冠花定興夏六月
雷擊慈雲閣左鷄吻七月城陷

十年秋飛蝗蔽天遺子復生

十一年春二月深澤縣水陸殿前芝草生唐縣葛洪
山崩池湧血東鹿民家產猪兩頭

十二年己卯容城大旱布穗愆期皆半粒歲稱大饑
十三年旱大饑斗米銀八錢容城飛蝗蔽天東鹿城
東地裂長三十餘丈闊尺許深不可測後乃漸合高
陽早風霾竟日高河竭民饑餓道賦

十四年春二月黃霧四塞大饑人相食雄縣春夏大
旱民以樹皮草根充饑百姓流離餓殍載道秋雨薄
收饑人相食盜賊蜂起所在成羣邑令張京盡力捕
擒盜賊稍息

十五年壬午春大雪麥多死夏六月大旱大風晝晦
相對不見雄縣河水竭水淀數百里盡涸民種麥盡
被風食是年冬遣給事中時敏御史傅景星察飭保
定府修練儲備四事遇亂城陷知縣孫重順主簿楊
聯芳死之旋賊吳小泉聚衆澤中自號濟貧王保定
鎮將勦滅之

十六年春正月新安大雪二十日深澤大風暴起人
不得立就臥平地猶滾轉不能安二月十二日縣城
陷二月易州地震郡屬大疫雄縣瘟疫甚行人心驚
畏弔問之禮幾廢易州春旱無麥三月二十一二十
二十三地震八月十三日又震

十七年春三月唐縣星隕大如輪深澤三月二十日
黑沙蔽天日色無光東鹿西關民家產猪六七有三

隻人手者有一二隻聞賊李自成遣偽將軍劉方亮
陷保定城職官同知邵宗元等鄉官光祿寺少卿張
羅彥等死之一時殉難者甚衆三月逆聞陷京師偽
果毅將軍劉宗閔等經過鼎沸聞賊黨萬餘人由河
間過保定高陽當其衝孫令總瑄預發家屬帶印入
淀賊至降宗印不獲殺之四月偽縣尹王瑞圖奉賊
令逼索鄉民助餉五月

大兵南下平之

明流寇之禍歷廿年所而迄甲申正月元旦旦初出
大如輪色黑紫無光占者謂大異二月真定撫標兵
譚中軍遊擊謝嘉福殺撫軍都御史徐標反時李自
成遣其偽制將軍劉方亮內犯已抵固關嘉福迎之
入長驅而北無敢逆其顏行者三月騎賊潛過郡城
外詭稱裏城伯偵卒無敢誰何廿日薄暮一妄男子
持賊誘降書投城上同知邵宗元手碎之倍傷飛嚴
翼日寇大至絡繹三百里羽旂鐵甲閃爍奪目塵氛
紛起晝爲駭馬嘶人喊海沸山摧村氓野聚望城奔
者如蟻食頃賊數十騎逼河干班嬭綵縵婦人服
遙叫速降歷數所過百餘城無不開關叩馬者不則
齧粉矣且謬云京城葉不守勿執迷聞者髮豎誓死
守先是壬午癸未間太監方正化治兵於郡守城奏
功至是復遣之來督同署府事同知邵宗元通判王
宗周推官許曰可清苑知縣朱未康大寧都司都指
揮使神維顯城守營守備張大同王登洲掌印衛指
揮同知劉忠嗣李一廣巡捕同知文運開敵血誓天
衆志成城盟定知府何復奉命後聞變兼程至不及
修上官儀格不受印謂宗元曰臨敵不易將衆習公

久公仍佩之謁文廟與諸生講見危授命章詞氣激
壯已即登陣分汛時鄉紳在城者光祿寺少卿張羅
彥禮科都給事中尹洗等進士張羅俊王廷樞舉人
張爾登等武進士張羅輔等武舉金振孫等貢生王
聯芳等生員張羅善等暨義勇子弟共二千餘人慷慨
奮勇執戈盾冒矢石日夜不懈賊四面環攻雲梯
蝗附羽箭霜飛且攻且罵計激守者怒出而與戰乘
機斬關入城上知其謀乃守益堅城中巷樹柵欄鹿
角民無老穉胥制挺以伺往來者非持符不得度餓
食城頭紛運不絕官廩匱益以捐輸羅彥兄弟盡出
家貲及簪珥懸賞格以激擊賊者賞若干以刃中賊
者賞若干守垣者羣惟呼爭奏功會監軍御史金毓
峒至亦出貲助之賊謀稍却忽督師大學士李建
泰間道抵城下欲入城衆弗內建泰悲其謂宗元羅
彥等曰我朝廷大臣奉命勦賊轉戰至此何不內舉
勦印以示宗元等答曰閣下受主上重託錫劍祭禡
車駕御門樓酌酒賦詩感慨命公榮寵莫比閣下提
數萬甲兵而南胡不勦賊而西乃曳兵而北是喪師
辱命也安得入吾城建泰曰爾等安知行間事吾姑
不與之辯萬有不虞恐爾等無以贖罪也爾等將無
謂尚方劍不利乎衆惶惑有欲內者宗元曰倘賊許
爲之誰能辨衆曰金侍御爲李公監軍當識之亟以
毓峒出視曰不謬遂內之建泰所部僅健兒數百皆
振甲甲輦餉金十餘輻意態徐徐人咸疑焉建泰入
而賊攻益厲矣掘城西南隅城上以火礮襲之不得
近驅難民哭城下亂吾軍城上以礮石擊之不得近
如是者竟日復解去建泰乃倡言於衆曰勢難支矣

無若降降不必啓關內也第與之印牒可耳時宗元
猶握府篆建泰出一紙迫之鈴宗元大怒以印抵座
厲聲曰我爲朝廷守此一塊土義不降賊降者任爲
之印在此痛哭擲地引佩刀自擬左右止之人皆掩
面泣羅彥志起曰邪說勿聽我輩且擊賊於是礮復
雷轟建泰怒而去何復躬燕西洋礮火摧燬幾死城
外有人自北至密言京師失守狀衆不忍信異議亦
間出羅彥語宗元曰百姓無知非鼓以大義氣弗憤
志弗堅下令人綴崇禎錢一於額以示戴主之義於
是忠憤大作罔不一以當百賊聞之攻無遺力架銃
土阜上擊礮如振秋簫鉛丸鐵子噴天扶地屋瓦飄
紛人戴木板循牆走未幾西北樓火南郭門又火墜
池潰高檣灰飛深溝濤散守者不寒而慄賊設狡謀
夜半以甘言誘南城南守升王登洲絕城降之百礮頓
空賊一擁而上建泰嘯然內應白甲軍輒殺人莊獄
間率所親推官許曰可知縣朱永康出迎賊此三月
二十四日事也賊兵瀾漫城中索鳳馬劫金珠衛號
巷哭掘窖督碎箱籠地進山類捆載囊捲捉人負運
自辰至申僞制將軍始下令止殺旋招集士民赴西
門傳僞諭託遣僞府尹文國華推官崔志乾縣令王
則禹倉皇受事檄辦餉芻日無寧晷城中人裹瘡忍
痛搜括供億無所逃避是日殉城者職官則知府何
復同知邵宗元總監方正化若而人巷戰罵賊闔門
死難者劉忠嗣一人鄉紳之從容就義父子兄弟妻
妾同死者則張羅彥張羅俊及金毓嗣韓東明若而
人舉人則張爾輩孫從範武進士則張羅輔陳國政
武舉則金振孫梁儒秀貢生則郭鳴世生員則張羅

善若而人婦女則指不勝屈大抵皆心知節義不受
汚辱者也次日賊將下令逼擊鄉紳之未死者及其
子若弟拷掠慘毒殺給事中尹洗舉人劉會昌貢生
王聯茂揭其首於竿榜曰據城抗師惡宦逆子見者
飲泣明日賊悉北留賊將張洪爲守時御史金毓嗣
諸子幼匿之固擊其兄子貢生肖孫勒令指毓嗣子
所在肖孫不肯言賊以鐵索箍頭木楔夾手火鐵炮
烙身無完膚肖孫終不言越四日僞制將軍任珍自
河間至所部衆如前搜掠更酷人有攀樹坎地避匿
者珍曰我受命取此城他將攘余功余其屠之令未
下賴裨將諫止是日被殺者什之二旋亦北守將傳
僞諭括民財餉兵聞者股慄落者遺借米而炊易
衣而出道上相逢相泣昨交親不敢作吞聲聲月餘賊
自北而南倉皇詭秘未幾守將張洪遁僞令王則禹
亦遁居民駭散奪門四出擁踏至斃五月三日李自
成自北至雖鉦鼓喧闐而騎無行列孤折箸殘人盡
阻礙掬珠易飢三五去投僻路狼顧狐聽百千爭過
官橋羊羣繞逸風鶴驚於午夜草木竟似八公其殿
後者以所盜大內錦綺繡掛樹上鑄金爲餽餽拋置
道左陷追騎以可欲少緩須臾一日夜行三百里城
中遺賊百餘郡人撲殺之立盡

魏童子定與父登夜家貧母李氏攜童子依母家
居李之母趣改適從弟某且爲媒李從之一日以二
金雙布爲聘來迎李呼童子別童子奔至持母裾慟
謂曰兒即死不忍母行力止之不得徑跨一蹇去童
子追而持其轡從弟怒提童子乃持愈力李往辭夫
塚行傍河童子急曳李共沉水從弟奪之驅入村李

乘間策蹇疾走童子追不及頓地呼天淚交血迸見
者泣下村有諸生三憐童子謂之曰爾迅追倘可畱
我輩爲爾還聘金語未畢異處顛作頃刻衝衢遮畫爲
驅行者目睽李跨蹇不得前方屏營道左童子奔及
之挽母哭愈慟衆林於異風縱李歸前三生者果爲
醴錢抵聘金且溢數次日娶者攜二三健客來欲奪
婦村之老俠李進賢大不平且誓且勸終以聘金還
之李得歸與童子聚問者歎異童子名思誠

保定府部雜錄

定興縣志金大定中置縣割涑水易縣近民屬之麻
內錫地得碑有紅字云大魏太和八年月日幽州范
陽縣史小磁妻某氏銘記猶足證此地爲范陽縣屬
也

保定府部外編

舊志燕昭王有仙人甘肅爲臣王行其道數月有仙
子來告曰西王母將降後一年王母果至王徇於攻
取不能遵清靜之旨甘肅遂去三十三年王無疾而
殂形骨柔煥香氣盈庭
燕王徵巧術有人請以棘之端爲沐母猴母猴成巧
人曰人主欲觀之觀之必半歲不入宮不飲酒食肉
霽日而出視之宴陰之間乃可見矣燕王恩養不能
觀也

上谷王次仲秦時人八分書次仲所作也王諱云王次仲始以古書方廣少波勢建初中以隸草作楷法字方八分言有模楷始皇得次仲文簡略起急疾之用甚喜遣使召之三徵不至始皇大怒制極車送之於道化為大鳥飛去

葛洪字稚川丹陽句容人好仙晉咸寧初以勾漏出丹砂求爲令乃於羅浮山煉丹後又隱於唐縣楊家峪久之尸解去

沙門法朗晉人康姓學於中山永嘉中與比丘慧若西入天竺行過流沙千有餘里見道邊敗壞浮圖無復堂殿蓬蒿沒人法朗等下拜瞻禮有二僧居其旁一讀經一患痢穢汚盈屋讀經者了不營視朗等惻然與念留爲羹粥掃除浣濯至六日病者稍困注痢如泉朗等共料理之其夜朗等謂病者不起至晨往視之客色光悅病狀頓除屋中穢物皆是華髻朗等乃悟是得道之士以試人也病者曰隔房比丘是我和尚久得道可往禮觀法朗等先嫌讀經者無慈愛心聞已乃作禮悔過讀經者曰諸君誠契並至同當入道朗宿學業淺此世未得願也謂朗伴云慧若植根深當現世得願因雷之朗後還山中爲大法師道俗宗之

劉商中山靖王之後歷官合肥令爲好無爲清簡之道方術服鍊之法上居武康上疆山有樵夫鬻木商厚償致之偶步林間聞有人語曰中山劉商今日賜汝真木矣視之杳無人奔歸取木修而服之月餘齒髮益盛貌如嬰童舉步輕速可及馳馬又月餘坐知四方之事乃入上疆洞中咸通初留一圖於酒家乘

鶴而去

唐寶曆二年李球遊五臺山山有風穴遊人稍誼呼及投物即大風震發揭屋拔木登山者相戒不敢犯球戲投巨石於中良久石聲方絕果奔風迅發有一木如柱隨風出球力拔其木卻墜入穴中移時至穴底見一人形如獅子而人語引球入洞中見二道士問球所修之道球無以爲對道士責引者曰至道之要當投習道之人汝何妄引凡庸入耶速引去以一杯水令飲謂之曰汝雖凡流得踐真境將亦少有道分惜素不習道不可語修行之要耳但去苟有希生之心出世之志可復來也飲此神漿亦延年壽矣球飲水拜謝訖引者至洞側示以別路曰此有北巖之徑可得速還人間解藥三丸貫槁枝之末與之謂球曰如見異物以藥指之不爲害食之可以無病球行洞中黑處藥有光如火數有巨蛇張口向球以藥指之伏不敢動出洞門古樹半朽洞欲墮塞球摧壞土朽樹久之方得出乃銳志修道與其子入王屋山田志亨蠡吾人性至孝父母亡負土築墓以石鑿會祖考妣像晨夕禮事一日捨妻子爲黃冠師李先生學老子法道業浸高從雞水歷唐縣上磨礪而居焉止息於柏下磐石上日乞食村落暮宿於石夜有猿猱蛇虎魍魎魍魎張吻切齒而來亨視之若無邑人異之相與鳩材構屋戶外之屨常滿年八十風骨強健號通真子

張陵不知何時人有仙術趙升從之學一日與諸弟子遊大茂山雲臺絕巖有大桃樹下臨不測陵曰得此者何汝道升遂投下著樹取桃滿懷不得上陵以

手援之乃還

老姑不知何許人無姓氏隱於唐縣山中目云貧道住世二百年矣言訖投崖飛去因名曰捨身崖楊燧保定左衛人得異術祈雨遣將無不徵驗正月十六日邀同妻弟揚州看燈使閉門獨席雲須臾而至又遣下妻弟沿路乞食半年始至家告以妖術害人燧即瞑目而死形骸臭爛其妻具棺埋葬傍人有見其行走者開墳視之空棺而已

郝仙姑安州人幼癡惑若無知者蓬頭跣足父母早亡兄嫂惡之嘗有一丐者病顛垢汚藍縷人不放近直造女所索水飲女敬與之兄嫂見之怒女猶禮待之與葉數粒女吞之有雲起來而去莫知所終今廟祀祭頭村

神槐在郡城北崇慶寺東廡下大可十圍枝葉蒼鬱與人詰朝伐適一僧自都至住寺中夜夢黃衣老人跪牀下訴言來日已有難哭懇救僧驚寤晨以白之郡人郭廷相共異之頃之與入至執斧鋸立槐旁睥睨揆度謀爲與材廷相見之悟僧夢蓋即此具以故告與人倍給其值而去樹以留遠近其傳爲神槐及今有百年枝幹如虬而免月婆娑已

仙槐在安肅縣治西十里屯相傳有馬姓者患病幾不起一日有異人至授以丹餌令服之且給之曰病愈當割半產謝我疾果瘳恐其索謝仍伴爲疾異人已知之遂從其耳取一物而去出門見枯槐投丹於中樹後榮茂土人有病者取其枝葉之皮煮水服之即愈
婦蕭氏博野縣人馬姓妻初嫁時飲食起居與人無